

Universitätsbibliothek Paderborn

**Exacta Observantia S. Constitutionum Urbanarum, à
Innocentio XII. Pontifice Maximo impensè præcepta Fr.Fr.
Minoribus S. Francisci Coventualibus Provinciæ
Coloniensis: ac munita clementissima ...**

Wissingh, Anton

Coloniæ Agrippinæ, 1700

Paragraphus I. In quo verbo tenuis adducitur Decretum S. Congregationis [et]c. specialiter concernens Ordinem nostrum, prout ex verbis illius sat apertè colligitur.

[urn:nbn:de:hbz:466:1-49637](#)

CAPUT II.

*De his, quæ incumbunt Fratribus Mino-
ribus Conventualibus servanda,
vi voti pauper-
tatis.*

Quoniam Exæta observantia S. Constitutionum Urbanarum quam maximè extenditur ad ea, quæ in his præscribuntur & præcipiuntur de religiosa paupertate, eliminanda proprietate, ac vita communitate &c. hinc ex eisdem Constit. Urban. in has pagellas transferam, & fideliter adducam textus illos, qui potissimum de dictis tribus capitalibus punctis tractant.

Paragraphus I.

In quo verbo tenuis adducitur Decretum S. Congregationis &c. specialiter concernens Ordinem nostrum, prout ex verbis illius sat aperte colligiatur.

Textus Constitutionum hic est in c. 4. Regulæ de paupertate in communi Tit. I. §. I. Post varias controversias circa paupertatis votum à Religionis nostræ Fratribus observan-

-

vandum, placuit Sanctissimo Domino nostro URBANO Papæ VIII. Infra Scripto Sacræ Congr. Apostolicæ visitationis Decreto ea omnia stabilire , quæ pro conscientiarum securitate ab iisdem nostris Fratribus circa ejusdem paupertatis votum servanda sunt. b.i.

De abdicanda Proprietate in particulari.

**Decretum Sacræ Congregationis
Apostolicæ Visitationis.**

AD extirpandum proprietatis vitium , Sacri Concilij Tridentini vestigiis inhærentes, omnibus Ordinis nostri Fratribus districte prohibemus, ne quisquam eorum bona immobilia, vel mobilia, cujuscumque qualitas fuerint, proventus, redditus, census, pecunias, etiam ex eleemosynis, concionibus, aliisque labore, aut consanguineorum, seu aliorum largitione, etiam intuitu personæ datas, aut alias quovis modo ab eis acquisitas, vel acquirendas tanquam propria, aut etiam nomine conventus possideat, vel teneat ; sed statim ea Superiori tradantur, conventuque incorporentur, & confundantur , prout nos ex nunc ea applicamus, incorporamus , & confundi-

C 2 mus,

mus, & pro applicatis, incorporatis, & confusis haberi volumus & mandamus. Decernentes, Superioribus Bona stabilia alicui Ordinis nostri, etiam ad usum fructum, vel usum, administrationem, sive commendam concedere non licuisse, neque licere; ideoque omnes & quascumque licentias, facultates, & indulta, si quæ etiam à Generali Ministro quovis modo; vel ex quacumque causa contra prædicta concessas, seu concessa, vel quæ in posterum concedi contigerit, revocamus, & abolemus, & pro revocatis & abolitis haberi volumus, & in futurum, ne concedantur, districte præcipimus.

Administratio autem honorum Monasteriorum, seu Conventuum ad solos Officiales eorumdem ad nutum Superiorum amovibles pertineat. Mobilium vero usum ita Superiores permittant, ut eorum supplex statui paupertatis, quam professi sunt, conveniat, nihilque superflui in ea sit, nihil tamen, quod sit necessarium, eis denegetur; quorum omnium Registrum Superiores apud se habeant. & singulis annis revideant; Fratresque ea vendere, donare, aut aliter alienare non valeant, quod si quis aliter fecerit, vel quid (etiamsi pecunia sit) tenere deprehensus, aut convictus fuerit, biennio activa, & passiva voce privatus sit, atque etiam juxta nostras has Constitutiones puniatur.

Pecu-

Pecunia verò, aliæq; res quæcumq; Fratrum intra viginti quatuor horas tradâtur Superiori, in comune conventus ærariū reponendæ, triplicique clave custodiendæ, quarum una penes Guardianum pro tempore existentem, duæ verò aliæ penes duos alios Fratres singulo quoque anno per Conventum eligendos, conserventur, ex quibus subministrato exhibitori, quantum religiosæ ejus necessitates (statûs, valetudinis, laborumque ratione habitâ) expostulare videbuntur: reliquum penes ærarium remaneat. & arbitrio duarum ex tribus partibus Capituli seu Congregationis Provincialis singulis annis faciendæ erogetur. Quod verò à Superiori ipsi traditum fuerit, vel undecumque ad ejus manus pervenerit, memorato Superiori de eo rationem ad omnem ejus nutum reddere teneatur, sub pœna contrafacientibus privationis activæ & passivæ vocis per triennium qualibet vice, aliisque arbitrio Superiorum ipso facto incurredendæ.

Sacra Congregatio Apostolicae Visitacionis suprà scriptum Decretum de abdicanda proprietate in particulari, de mandato S. D. N. URBANI divina providentia Papæ VIII. per Plures Sessiones examinavit, & tandem die veneris 13. Julii 1627. illud cum omnibus in eo contentis probavit, & inter ceteras Constitutiones hujus Religionis Conventionalium inseri, & exequi mandavit.

38. *Obligatio FF. Minor Conv.*

In quorum fidem, &c. A. Episc. Bellicastr. Sec.
Sequitur in texu Constitutionum.

Cùm igitur nil magis in votis sit, quam
pro animarum salute, & conscientia Fratrum
securitate, Decreti istius sanctissimi pura &
omnimoda observantia; nonnulla præcribe-
re, quæ ad eam inducendam & conservandā
necessaria visa sunt, æquum duximus. h. i.
*Quæ ibi per ordinem in sequentibus paragraphis
præscribuntur pro administratione legitima Bo-
norum temporalium. Vide ibi.*

Paragraphus II.

*Ponitur Titulus septimus Constit. Urban. de usu
mobilium, in Cap. IV. Re-
gula.*

I. *U*sus rerum, quæ unicuique Fratrum ad
proprias sublevandas necessitates tri-
buntur, certus, determinatus, & ad Superio-
ris nutum revocabilis sit, eorumque sup-
pellex statui paupertatis, quam professi su-
mus, conveniat &c. prout in Decreto su-
pra.

II. Possessiones autem, sive bona quæ-
cumque stabilia Fratres etiam de Superio-
rum licentia (licet eam se concedere posse
contra veritatem testarentur) nullatenus pos-
sideremus, nec usu eorum potiri. Su-
perio-